

AGENTLIK TIZIMIDAGI MAKTABLARGA 2024/2025-O'QUV YILI UCHUN O'QUVCHILAR QABULI TO'G'RSIDA

PRESS- RELIZ

Joriy yilning 7-uyul kuni Ixtisoslashtirilgan ta'lim muassasalari agentligi tizimidagi Prezident maktablariga kirish imtihonlarining 1-bosqichi bo'lib o'tdi. Xususan, imtihon Andijon va Sirdaryo viloyatlarida 3 smenada – soat 08:00, 12:00, 17:00 da, qolgan hududlarda 2 smenada – soat 08:00 va 12:00da o'tkazildi.

Bugungi kunda Agentlik tizimida **14 ta** Prezident maktabi, **9 ta** ijod maktabi hamda **182 ta** ixtisoslashtirilgan maktablar faoliyat ko'rsatib kelmoqda. Joriy yil hududlarda yana **3 ta** ixtisoslashtirilgan maktab hamda **3 ta** tayanch ixtisoslashtirilgan maktabi yangi ochildi.

O'zbekiston Respublikasi Vazirlar Mahkamasining 2023-yil 27-maydagi **“Prezident, ijod, ixtisoslashtirilgan maktab va maktab-internatlariga o'quvchilarni saralab olish hamda qabul qilish tartibiga oid normativ-huquqiy hujjatlarni tasdiqlash to'g'risida”**gi 214-son qarori hamda Vazirlar Mahkamasi majlisining joriy yilning 16-apreldagi **“2024/2025 – o'quv yili uchun Prezident maktablari, ixtisoslashtirilgan maktablar, maktab-internatlar hamda ijod maktablariga o'quvchilar hujjatlarini qabul qilish hamda kirish imtihonlarini tashkil etish to'g'risida”**gi 69-son bayoni asosida Agentlik tizimidagi maktablarga o'quvchilar qabuli amalga oshirilmoqda.

Ixtisoslashtirilgan ta'lim muassasalari agentligi tizimidagi maktablarga **2024/2025-o'quv yili uchun hujjatlar qabuli 1-iyundan – 20-iyunga qadar faqat ONLAYN shaklda ariza.piima.uz sayti orqali** amalga oshirildi.

Agentlik tizimidagi Prezident, ijod hamda ixtisoslashtirilgan maktablarga kirish imtihonlari **69-bayonga asosan katta sig'imli 56 ta yopiq binolarda** o'tkazilishi belgilangan.

2024/2025-o'quv yili uchun Agentlik tizimidagi maktablarga jami 244 378 ta ariza kelib tushgan. Shundan:

- Prezident maktablariga **62 062 ta**;
- Ijod maktablariga **5 512 ta**;
- Tayanch ixtisoslashtirilgan maktablarga **42 785 ta**;
- Ixtisoslashtirilgan maktablarga **134 019 ta**.

Prezident maktablariga qabul qilingan hujjatlar bo'yicha **bitta o'ringa o'rtacha 185 ta hujjat** to'g'ri kelmoqda.

Bunda, bir o'ringa qabul qilingan hujjatlar bo'yicha eng yuqori ko'rsatkich Farg'ona viloyatiga **293 ta**, Andijon viloyatiga **285 ta**, Samarqand viloyatiga **249 ta**, Namangan viloyatiga **225 ta** hamda eng past ko'rsatkich Sirdaryo viloyati **99 ta** hamda Navoiy viloyati **81 ta hujjat** to'g'ri keldi.

Ma'lumot uchun: 14 ta Prezident maktabining 5-sinfiga **336 nafar** (har bir maktabga **24 nafardan**) o'quvchi qabul qilinadi.

Ijod maktablariga qabul qilingan hujjatlar bo'yicha bir o'ringa qabul qilingan hujjatlar bo'yicha eng yuqori ko'rsatkich Namangan viloyatidagi Is'hoqxon Ibrat nomidagi ijod maktabiga **35 ta**, Farg'ona viloyatidagi Erkin Vohidov hamda Jizzax viloyatidagi Hamid Olimjon va Zulfiya nomidagi ijod maktablariga **16 tadan** eng past ko'rsatkich esa Toshkent shahridagi Abdulla Qodiriy nomidagi ijod maktabiga **5 ta hujjat** to'g'ri keldi.

Ma'lumot uchun: 9 ta ijod maktabining 7-sinfiga **400 nafar** (har bir maktabga **40/60 nafardan**) o'quvchi qabul qilinadi.

Hududiy ixtisoslashtirilgan maktablarga qabul qilingan hujjatlar bo'yicha eng yuqori ko'rsatkich Farg'ona viloyatiga **17 815 ta**, Samarqand viloyatiga **13 125 ta**, Andijon viloyatiga **12 904 ta** hamda eng past ko'rsatkich Navoiy viloyatiga **2 987 ta**, Toshkent shahriga **3 626 ta**, Sirdaryo viloyati **5 645 ta** hujjat qabul qilingan.

Tayanch ixtisoslashtirilgan maktablari: **Abu Ali ibn Sino nomidagi** ixtisoslashtirilgan maktabiga **3 083 ta**, **Mirzo Ulug'bek nomidagi** ixtisoslashtirilgan maktabiga **2 556 ta**, **Muhammad al-Xorazmiy nomidagi** ixtisoslashtirilgan maktabi va filiallariga jami **42 785 ta** hujjat kelib tushgan bo'lib, jumladan Toshkent shahridagi Muhammad al-Xorazmiy nomidagi ixtisoslashtirilgan maktabiga **17 502 ta**, mazkur maktabning Nukus filialiga **3 686 ta**, Andijon filialiga **8 651 ta** hamda Samarqand filialiga **7 307 ta** hujjat qabul qilingan.

Ma'lumot uchun: **179 ta** ixtisoslashtirilgan maktabning 5-sinfiga **5 520 nafar**, 7-sinfiga **2 208 nafar**, shu jumladan: **Abu Ali ibn Sino nomidagi ixtisoslashtirilgan maktabiga 120 nafar**, **Mirzo Ulug'bek nomidagi ixtisoslashtirilgan maktabiga 40 nafar**, **Muhammad al-Xorazmiy nomidagi ixtisoslashtirilgan maktabiga 120 nafar** o'quvchi qabul qilinadi.

Agentlikning Qoraqalpog'iston Respublikasi, viloyatlar va Toshkent shahridagi **ixtisoslashtirilgan maktablariga kirish imtihonlari joriy yilning 4-, 5-, 6-iyul kunlari o'tkazildi. Prezident maktablarining 1-bosqich kirish imtihonlari 7-iyul kuni bo'lib o'tdi. Tayanch ixtisoslashtirilgan maktablarining kirish imtihonlari 9-, 10-iyul kunlari hamda ijod maktablarining 3-bosqich kirish imtihonlari esa 10-iyul kuni o'tkazilishi rejalashtirilgan.**

Shuningdek, Prezident maktablarining **2-bosqich kirish imtihonlari esa 26-iyul kuni o'tkazilishi rejalashtirilgan.**

Agentlik tizimidagi barcha maktablarga kirish imtihonlarni yuqori saviyada tashkil etish bo'yicha **viloyat hokimliklari, Ichki ishlar, Milliy gvardiya, Tez tibbiy yordam, Xavfsiz shahar markazi hamda Bilim va malakalarni baholash agentligi bilan hamkorlikda** tayyorgarlik ishlari olib borildi.

Ma'lumot uchun, Prezident maktablariga kirish imtihonlarining **1-bosqichi** — matematika fanidan jami **30 ta** topshiriqdan iborat test shaklida o'tkaziladi.

Masalalar murakkablik darajasiga qarab uch toifaga bo'linadi:

- 1) 10 ta yengil darajadagi savollar (A toifa);
- 2) 10 ta o'rtacha darajadagi savollar (B toifa);
- 3) 10 ta murakkab darajadagi savollar (C toifa).

Eslatma, 1-bosqich imtihonlarida talabgorlarga topshiriqlarni bajarish uchun **60 daqiqa** vaqt beriladi.

Axborot xizmati (99 875 03 12)